

七、這係一埗福地！

四湖，鬧熱个所在無多，偈人四劍客恬會走到便利超商買枝子冰，著面答詫著面食。這個禮拜日，偈人猶係去買枝子冰食，熱壞壞个熱天會用含冰冰个枝子冰，實在係人生一大享受。偈人在睺街路个舊屋，毋會少樓子攏有年歲啊，偈人在睺來來去去个人潮。

「喂！大漢个，你阿姊呢！」小杰拍大漢个。

無想著大漢个嘎假影無聽著共款，頭幹向猶一裡。

毋過大漢个个阿姊睺著偈人，一直對偈人攞手，喝講：「來！緊過來！」大漢个以外，偈人三個攏過去啊，大漢个个阿姊笑嘆嘆講：「你人係偈弟个『阿弟』，著無？行，渡你人去教會。」講講个即向街路个四湖靈糧堂行去。大漢个睺著偈人跣大姊行，在後背慢慢趲跣來。

這四湖靈糧堂在一棟雙戶个老樓子，玻璃窗面上猶貼「食物銀行。」

「教會鬥相共偈，偈渡你人作埗去唱詩歌。」大姊熱情招呼偈人。一行入教會，堵好準備做禮拜，大姊走到臺嶼渡大家唱歌，大姊个歌聲真好聽，偈佇毋會核跣在哼唱。

歌唱煞，發現大漢个無跣入來，偈走出去尋佢。「仰子毋入來？」

大漢个悶悶無出聲，幹頭行走。「喂！——」

「你毋使喊佢啦，你人肯入來教會，偈即真歡喜啊。」大姊个聲音對偈後背傳過來。

大漢个个阿依係外配，房頭對這個外配阿依無尊存，得大漢个个阿依長期悶悶無歡喜，甚至得著憂鬱症，幾下年前猶亂過渡佢幾下个細子淋農藥自殺个事件。對這件事情，阿怙記核核，真難諒解。大姊遐時猶細，差一兜仔得阿依惑去淋農藥，好佳載暗中上帝庇佑，普通少有人出入个屋下，遐日嘎有人來，發現桌嶼个農藥，攔緊搶救，正無造成缺憾。

毋過嘛因為遐件事情，大姊心內嶄然艱難，變到目頭結結、恬恬無講事。一直到讀國中，同學邀大姊到教會，教會个氣氛改變了大姊，驚見笑个大姊特別恰意唱詩歌，牧師發現，邀請大姊上臺渡大家作埗唱，大姊歹勢歹勢上臺，嘎在開嘴歡喜唱歌了後，變大方啊。

牧師對大姊講：「上帝真愛你哦！」

大姊毋知上帝在哪位，毋過教會內底真快活，即恁一擺又一擺去到教會。

這座靈糧堂教會成立時間無長，在2011年個時正有一個陳牧師，跔感恩个心渡夫娘來四湖，展開傳教生活。頭頭下正有兩三個來作埕，無想著在四湖這個像燥燥个沙漠，落來嘎淳出甘甜个泉水！教會个「屋下」係林繼成醫生拗佢過去開診所个所在整理好，毋使錢得教會使用，在祝福內底，靈恩堂教會在四湖街路生根啊。

大漢个个阿姊恰意去教會，跔牧師和猶个教友無閒遐這，禮拜日當晝鬥相共煮當晝飯，招待來主日个人食。「等一下，留落來食飯！」大姊笑到像一隻靚靚个蝶，接落又行上行落去教友遐，這裡喊阿公，遐裡喊阿媽陪老儕答訖。

臺灣人真有愛心，真肯捐錢捐物資鬥相共艱難人，毋過物資和金錢大討攏到普通人想講較欠缺个山內，顛倒無注意著偏遠鄉鎮个需要，四湖堵好堵著這種情形。四湖在雲林縣个偏遠所在，食頭路機會少，少年攏去城市打拚，留老儕守在家園。這兜老儕大部分係作穡過生活，靠老人年金生活，恬恬經濟困難。

這兜情形，陳牧師攏睭在目內，所以討捷「食物銀行」，得老儕和有需要个人在禮拜日个當晝食到飽飽，猶會用隨一包白米轉屋下，得佢人這個禮拜有飯食。

「今日多了恁多個小朋友啊？」阿公阿媽微微笑在睭佢人，問遐問這，即像係和自家个孫子答嘴鼓。罔講罔講，聽著大姊喊：「來鬥相共哦！」大姊攞手愛佢人去灶下捧香香个菜。這兜菜毋係山珍海味，毋係大魚大肉，攏係—普通普通个便菜。「青菜全然萋！晨早『現拈』个！」種菜个老儕有收成个時會隨菜來奉獻，猶會比賽哪儕種个菜較厲害！這跡位即像一個感心个大家庭，照出燒暖个日頭光。

「這個所在毋會穰呢！」佢揪小杰偷偷問，「大漢个仰子毋留落來？」

「確！」大姊摧佢个頭，講：「恁多事！」幾時大漢个屋下係擎香拜拜个，阿怙對大姊去教會真無諒解，大漢个驚阿怙受氣毋敢入來，大姊顛倒係坦白心安，講：「上帝愛逐個人，自家有佢个時間表！佢

相信佢个改變，會改變阿怙个想法，因為佢个阿依嘛改變啊！」

這又係另一段故事，自底阿依嘛反對大姊去教會，毋過阿依發現大姊變開朗啊，即無攔強烈反對，正要求大姊加該做个事情做好，即會用參加教會活動。在大姊直頭邀請之下，阿依來到教會，佢睺阿女在臺嶼渡大家唱詩歌，自信攔歡喜个形，得阿依差一兜仔毋信企在臺嶼个即係佢个寶貝阿女，顛倒支持大姊一直去教會。

阿依个支持得大姊足歡喜个，毋過喺在這個時務阿依个身體出問題啊，發現屎肚內有腫瘤，定著愛開刀。歸屋下人攏足驚个，阿姊攔較著急，渡教會个兄弟姊妹鬥加阿依祈禱，即在阿依準備開刀个前幾下暗，做一個奇怪个夢，發夢著有一臨燒暖个光拍佢个屎肚，得佢个屎肚消腫啊。教會內底个兄弟姊妹聽著這個夢，講：「上帝親身來醫阿依！」阿怙喺無外愛信講：「係關帝爺展威啦！」

橫直，阿依順利開刀，病好啊。

「哇！你屋下足神奇个，得著恁神明祝福呢！有上帝，有關帝爺。」小杰聽了佇毋會核恁講。

「著啊！毋管係上帝抑係關帝爺，攏庇佑伯嚮啊！」佢嘛恁感覺，真多祝福敢無好？一間屋下因為無共个信仰啊打到真臭，恁敢好？

大姊擎肩下苦笑：「佢阿怙仔即真堅持。」

毋管係上帝抑係關帝爺，一個屋下頭好个係愛和包容，睺屋下人歡歡喜喜、平平安安過日正係頭要緊个。佢拗佢个想法拗大姊講，大姊出力拍佢个肩頭講：「死蝦子，年歲細細，真有自家个想法嘛！」這時，牧師喊講：「來鬥相共嘿！」牧師搖手面上个一包白米。

「勞力！勞力牧師！」睺著這兜子女無在膺身脣个阿公阿媽，隨白米行出靈糧堂个大門，相攞手講：「平安！後禮拜見面！」佢心內好定泥足感心，有恁多祝福在這埕土地，關心這埕土地个人，這埕土地實在係福地啊！